

Saksprotokoll i Fylkeseldrerådet i Hordaland - 11.01.2018

Under overkskrift **Fylkeseldrerådet: eit reelt samarbeidsorgan for fylkeskommunen** vart rådet samd i at ein byt ut «ønskjer å» med «skal» i første setning, samt endrar «opplæringskurs» til «opplæring» under punkt A.

Odd Himle (SN-H) sette fram slikt forslag til endring av pkt. D:

«Fylkeseldrerådet vil også på eige initiativ gi innspel og engasjera seg på område som fylkeseldrerådet meiner er viktige for dei eldre i Hordaland fylkeskommune.»

Røysting

Himle sitt forslag vart samrøystes vedtatt.

Inger Lingjerde(PF) sette fram slikt forslag til endring under ansvarsområde **1/Samferdsle** pkt. C, c:

«delta i prosjekt om universell utforming når dette skulle vera aktuelt, slik at rådet blir representert i alle prosjekt/byggeplanar i fylkeskommunal regi.»

Inger Lingjerde skriv forslag til brev til eigedomsavdelinga med kopi til rådet for menneske med nedsett funksjonsevne med ynskje om å vera representert i komitear for fylkeskommunale bygg.

Røysting

Lingjerde sitt forslag vart samrøystes vedtatt.

Odd Himle (SN-H) sette fram slikt forslag til endring av pkt. E:

«Fylkeseldrerådet tilrår at Fylkeskommunen i samarbeid med Trygg Trafikk fokuserer på trafikksikringstiltak for utsette grupper.»

Odd Himle (SN-H) sette fram slikt forslag til endring av pkt. F:

«Fylkeseldrerådet vil arbeida for at alle haldeplassar har leskur, som gir ly for vind og regn, godt ljøs og markering for fotgjengarar slik at det blir trygge tilhøve ved av- og påstigning.»

Røysting

Himle sine forslag under punkt E og F vart samrøystes vedtatt.

Gunvor Riim Opedal (PF) sette fram slikt forslag til endring av pkt. G:

«Fylkeseldrerådet vil oppmuntra dei lokale eldreråda til å søkja om midlar til trafikktiltak særleg retta mot born og eldre.»

Røysting

Opedal sitt forslag vart samrøystes vedtatt.

Gunvor Riim Opedal (PF) sette fram slikt forslag til endring av pkt..b under ansvarsområde **2/Fokohelse og tannhelse:**

«oppmoda om at økonomisk støtte til aktivitetstiltak for eldre (etter søknad) i regi av kommunale eldreråd eller organisasjonar blir lagt inn i fylkeskommunen sitt budsjett.»

Røysting

Lingjerde sitt forslag vart samrøystes vedtatt.

Fylkeseldrerådet vart samd i at pkt. C under **5/Fylkeseldrerådet som formidlar av kunnskap og informasjon** går ut.

Tore Svendsen (FL A/SP/SV) sette fram slikt forslag til endring av pkt. D:

«Det vert oppretta kontaktperson for dei enkelte regionane:
Voss/Hardanger, Sunnhordland, Bergen m/omegn, Nordhordland.»

Gunvor Riim Opdela (PF) sette fram slikt forslag til endring av pkt. D

«Fylkeseldrerådet vil arbeida for god kontakt med dei kommunal eldreråda bl.a. ved å sende elektronisk informasjon om komande møte og protokoll til dei lokale eldreråda.»

Røysting

Svendsen sitt forslag fekk 2 røyster (FL A/SP/SV og SN-H) og fall.
Opedal sitt forslag vart samrøystes vedtatt.

Odd Himle (SN-H) sette fram slikt forslag til endring av pkt. a under **7/Eit aktivt Fylkeseldreråd:**

«ta meir kontakt med media, til dømes ved å bruka lokal- og regionsaviser.»

Røysting

Himle sitt forslag vart samrøystes vedtatt.

Vedtak

Fylkeseldrerådet vedtek handlingsplan for fylkeseldrådet 2016-2019, slik den ligg føre med dei endringane som kom fram i møte.